



Lehiaren
Euskal Agintaritza
Autoridad Vasca
de la Competencia

DIRULAGUNTZEN 2022KO PLAN ESTRATEGIKOA

LEHIAREN EUSKAL KONTSEILUA

Osoko bilkura:

Alba Urresola Clavero, presidentea

Rafael Iturriaga Nieva, kontseilukidea

Enara Venturini Álvarez, kontseilukidea

Ainara Herce San Martín, idazkaria

Lehiaren Euskal Agintaritza (LEA), aipatu kideak bertaratuta, 2022ko urtarrilaren 31n bildu zen, Lehiaren Euskal Agintaritzaren 2022rako Dirulaguntzen Plan Estrategikoa onartzeko.



AURKIBIDEA:

I. AURREKARIAK.....	3
II. ERABAKITZEN DU.....	4
ERANSKINA	5



I. AURREKARIAK

1. Dirulaguntzei buruzko azaroaren 17ko 38/2003 Lege Orokorraren 8.1 artikulua arabera, «*dirulaguntzak ematea proposatzen duten administrazio publikoetako organoek edo erakunde guztiek, aldez aurretik, dirulaguntzen plan estrategiko batean zehaztu behar dituzte haien bidez lortu nahi dituzten helburu eta ondorioak, helburuok lortzeko epea, aurreikusten diren kostuak eta finantzaketa-iturriak, betiere aurrekontu-egonkortasunaren helburuei jarraituz*».

2. Lehiaren Euskal Agintaritza sortzeko legearen (1/2012, otsailaren 2koaren) bidez sortu zen Lehiaren Euskal Agintaritza, administrazioako erakunde autonomo gisa, ekonomia-politikaren eta lehiaren defentsaren ardura duen Eusko Jaurlaritzako sailari atxikia, eta esleitu zaizkion eginkizunak betetzeko berezko nortasun juridiko eta jarduteko gaitasun osoarekin.

3. Lehiaren Euskal Agintaritzaren helburu orokorra merkatuko lehia askearen eta gardentasunaren baldintzak sustatu, bermatu eta hobetzea da, Euskal Autonomia Erkidegoan egiten diren jarduera ekonomikoek dagokienez. Horretarako, zenbait eskumen baliatuko ditu, hain zuzen ere, zehatzeko, sustatzeko, aurkaratzeko, irizpenak emateko, kontsultatzeko eta arbitratzekoak.

4. Lehiaren Euskal Agintaritzaren 2018-2022 aldirako plan estrategikoaren helburuetako bat da lehia sustatzea. Lehiaren kultura sustatzeko, hainbat jarduera egin asmo ditu: unibertsitateekin kolaboratzea, bekak ematea eta lehiaren defentsako ikerlanen deialdia.

5. Jarduera horiek helburuak lortzeko efikazak direla egiaztatu da, eta, orobat, Lehiaren Euskal Agintaritzak instituzio akademiko nahiz graduondoko ikasleen aldetik jasotako eskaera gero eta ugariagoi emandako erantzuna dira.

6. Joan den 2021eko ekitaldian, LEAk prestakuntza-beken deialdi publikoa egin zuen lehen aldiz, *Lehiaren Euskal Agintaritzaren jarduera-esparruko prestakuntza-beken oinarriak eta deialdia publiko egiteko Lehiaren Euskal Agintaritzaren presidentearen 2021eko abuztuaren 2ko Ebazpenaren bidez*.

7. Sei eskaera jaso ziren, eta hautaketa-prozesua burutzeko, *Ebazpena, 2021eko urriaren 1ekoa, Lehiaren Euskal Agintaritzaren lehendakariarena, Lehiaren Euskal Agintaritzaren jarduera-eremuetako prestakuntza-bekak esleitzen dituen*a, eman zen, eskatzaileetako biri beka bana emanaz.



8. Pertsona horiek hiru hilabeteko praktikaldia egin dute –2021eko urritik abendura arte– LEAren egoitzan, eta esperientziaren emaitza oso ona izan da bi alderdientzat. LEAk egiaztatu du bekadunek ikasteko interes handia izan dutela, eta haien aprobetxamendua nabarmentzekoa izan dela; bestalde, LEAri emandako azken txostenean adierazi dute praktikaldiaren balorazioa guztiz ona izan dela, eta eskertzen dute ikasteko emandako aukera.

9. Euskal Autonomia Erkidegoko 2022rako Aurrekontu Orokorren Proiektuan 12.500,00 euroko ordainketa-kreditua esleitu da 2022rako, eta 12.500,00 euroko konpromiso-kreditua 2023rako, LEAren 6115. programako dirulaguntzei buruzko 4. kapituluan.

10. Egindako balorazioa eta lehen esperientzian lortutako emaitzak ikusita, LEAren ustez interesgarria da sustapen-lan horrekin jarraitzea eta goi-mailako unibertsitate-tituludunentzako prestakuntza-programaren beste deialdi publiko bat egitea, LEAren eginkizun propioei dagozkien eremuen gaineko prestakuntza teoriko-praktikoan sakondu nahi badute.

Hala ere, oraingo honetan, ahaleginak egingo dira prestakuntza-programek indarraldi luzeagoa izan dezaten, erakunde horretan eskuratutako ezagutzak gehiago izan daitezten, eta aprobetxamendua handiagoa. Joan den ekitaldian, lehenengo deialdia abian jartzeko beharrezko ziren izapideengatik (diseinua, prozesuaren digitalizazioa, txostenak, etab.) eta 2022ko ekitaldirako konpromiso-krediturik ez zegoenez, ezin izan zen esleitu hiru hilabete baino gehiagorako.

11. Beraz, efikazia eta efizientzia hobetzeko eta publizitatearen eta gardentasunaren mesedetan, Lehiaren Euskal Agintaritzari buruzko Legearen (1/2012, otsailaren 2koaren) 9. artikulurekin bat, Lehiaren Euskal Kontseiluak honakoa

II. ERABAKITZEN DU

LEHENA: Lehiaren Euskal Agintaritzaren 2022rako dirulaguntzen plan estrategikoa onartzea (hitzarmenaren eranskina).

BIGARRENA: Ebazpen hau publiko egitea dagozkion bitarteko ofizialen bidez, eta edonola ere, Lehiaren webgunean: <https://www.competencia.euskadi.eus/>



ERANSKINA

Lehiaren Euskal Agintaritzaren Dirulaguntzen Plan Estrategikoa 2022rako.

I- Sarrera

Agintaritzak Lehiaren Euskal Agintaritza sortzeko legearen (1/2012, otsailaren 2koaren) bidez esleituta dituen eginkizunak betetzeko jarraitutako politikaren plangintza-tresna da aipatu plana.

Lehiaren Euskal Agintaritzaren helburu orokorra merkatuko lehia askearen eta gardentasunaren baldintzak sustatu, bermatu eta hobetzea da, Euskal Autonomia Erkidegoan egiten diren jarduera ekonomikoei dagokienez. Horretarako, zenbait eskumen baliatuko ditu, hain zuzen ere, zehatzeko, sustatzeko, aurkaratzeko, irizpenak emateko, kontsultatzeko eta arbitratzekoak.

Lehiaren Euskal Agintaritzaren 2018-2022 aldirako plan estrategikoaren helburuetako bat da lehia sustatzea. Lehiaren kultura sustatzeko, hainbat jarduera egin asmo ditu: unibertsitateekin kolaboratzea, bekak ematea eta lehiaren defentsako ikerlanen deialdia.

Jarduera horiek helburu publikoa lortzeko efikazak direla egiaztatu da, eta, orobat, Lehiaren Euskal Agintaritzak instituzio akademiko nahiz graduondoko ikasleen aldetik jasotako eskaera gero eta ugariagoei emandako erantzuna dira.

Esaterako, 2020ko ekitaldian, Deustuko Unibertsitateko Zuzenbide Fakultatea agintaritzarekin harremanetan jarri zen prestakuntza-lankidetzako hitzarmen bat izenpetu nahi zuela-eta, unibertsitateko ikasleek curriculumeko prestakuntza-praktikak agintaritzan egin zituzten. Hala, hitzarmena sinatu zuten bi erakundeek, eta zuzenbideko ikasle batzuek agintaritzan egin ahal izan zituzten prestakuntza-praktikak.

Joan den 2021eko ekitaldian, LEAk prestakuntza-beken deialdi publikoa egin zuen lehen aldiz, *Lehiaren Euskal Agintaritzaren jarduera-esparruko prestakuntza-beken oinarriak eta deialdia publiko egiteko Lehiaren Euskal Agintaritzaren presidentearen 2021eko abuztuaren 2ko Ebazpenaren* bidez.

Sei eskaera jaso ziren, eta hautaketa-prozesua burutzeko, *Ebazpena, 2021eko urriaren 1ekoa, Lehiaren Euskal Agintaritzaren lehendakariarena, Lehiaren Euskal Agintaritzaren jarduera-eremuetako prestakuntza-bekak esleitzen dituen*a, eman zen, eskatzaileetako biri beka bana emanez.

Pertsona horiek hiru hilabeteko praktikaldia egin dute –2021eko urritik abendura arte– LEAren egoitzan, eta esperientziaren emaitza oso ona izan da bi alderdientzat. LEAk



egiaztatu du bekadunek ikasteko interes handia izan dutela, eta haien aprobetxamendua nabarmentzekoa izan dela; bestalde, LEAri emandako azken txostenean adierazi dute praktikaldiaren balorazioa guztiz ona izan dela, eta eskertzen dute ikasteko emandako aukera.

Lehiari buruzko prestakuntza jasotzeko interesa eta eskari soziala ikusita eta lehen beka-deialdiaren emaitzak aztertuta, aukerak eta baliabideak aztertu dira –giza baliabideak, LEAko langileen ohiko jardunbidean ez dadin izan eragozpen; baliabide materialak, prestakuntza agintaritzaren egoitzan egin ahal izateko lan-eremu egokiak edukitzea; eta baliabide ekonomikoak–, eta Lehiaren Euskal Agintaritzan curriculumaz kanpoko prestakuntza-praktiken beste deialdi publiko bat egitea erabaki da.

Euskal Autonomia Erkidegoko 2022rako Aurrekontu Orokorraren Proiektuan 12.500,00 euroko ordainketa-kreditua esleitu da 2022rako, eta 12.500,00 euroko konpromiso-kreditua 2023rako, LEAren 6115. programako dirulaguntzei buruzko 4. kapituluan.

Plana egiteko, beraz, hauek hartu dira kontuan: xedeko interes publikoa eta aipatu aldirako baliabide erabilgarriak, betiere efikazia eta efizientzia hobek bermatzearren, eta jarduna are gardenagoa izatearren.

Edonola ere, ohartarazi behar dugu plana programatikoa dela eta, beraz, planaren edukiak ez duela eskubide eta betebeharririk sortzen. Abiarazten diren dirulaguntza-ildoen arabera izango da planaren eraginkortasuna, eta, beste alderdi batzuen artean, ekitaldiko aurrekontuari begiratu beharko zaio.

II. Planaren eremu objektiboa, instituzionala eta iraupena.

Plana sailaz azpiko mailakoa da, eta Lehiaren Euskal Agintaritzak emango dituen dirulaguntzak soilik hartzen ditu barnean. Ogasun eta Ekonomia Sailari atxikitako erakundea da agintaritzak, eta Lehiaren Euskal Agintaritzak sortzeko Legean (1/2012, otsailaren 2koan) ezarritako eginkizunak bete behar ditu.

Curriculumaz kanpoko prestakuntza-bekaren dirulaguntzen deialdia egitea aurreikusi da, lehiako ikasgaiekin eta agintaritzaren eginkizunekin lotura duten adarretako goi-mailako tituludunei zuzendua. Diru kopuru bat jasoko dute hilerok, eta alta emango zaie Gizarte Segurantzari, indarrean den araudi aplikagarriari jarraikiz.

Prestakuntza-praktika horiek agintaritzaren egoitzan egingo dira (Ertzila 4, 2. solairua, Bilbo).

Denbora-esparruari dagokionez, Planak 2022/2023 ikasturterako aurreikuspenak jasotzen ditu, eta, beraz, aurrekontu-konpromisoa aurrekontu-ekitaldi bakarrekoa baino handiagoa da.





ARDATZ ESTRATEGIKOA: LEHIAREN KULTURAREN SUSTAPENA

Helburu estrategikoa <i>Lehiari eta Lehiaren Euskal Agintaritzaren egitekoei buruzko prestakuntza ematea unibertsitate-tituludunei</i>				
Dirulaguntzen lerroa <i>Bekak</i>				
Organoa <i>Presidentetza</i>				
Programa <i>6115 - Lehiaren Euskal Agintaritza</i>				
Helburuak, ekintzak eta adierazleak <i>Helburua: lehiari eta Lehiaren Euskal Agintaritzaren egitekoei buruzko prestakuntza ematea unibertsitate-tituludunei</i> <i>Ekintza: Prestakuntza</i> <i>Adierazlea: Prestakuntzako ordu kopurua: 900 ordu</i>				
Aurrekontu-konpromisoak eta finantzaketa publikoaren globalarekiko finantzaketa-ehunekoa				
Guztira 4. Kapitulua	2022		2023	
	Zenbatekoa eurotan	%	Zenbatekoa	%
	12.500	100	12.500	100
Helburuko sektoreak Lehiaren Euskal Agintaritzaren jardun-arloei buruzko ezagutza teoriko-praktikoan sakondu nahi duten goi-mailako unibertsitate tituludunak.				
Emateko prozedura: Urteroko deialdi publikoaren ebazpena. Lehia-prozedura; deialdian ezarritako balorazio-irizpideen arabera aztertuko dira eskaerak.				

